



Broj: 06-1-07-2-620-2 /24
Sarajevo, 05.08.2024. godine

Na osnovu člana 2.9 stav (1) tačka 4. i 19, a u vezi člana 3.15 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 33/08, 37/08, 32/10, 18/13, 7/14, 31/16, 41/20, 38/22, 52/22, 67/22 i 24/24), Centralna izborna komisija Bosne i Hercegovine je na 49. sjednici, održanoj 05.08.2024. godine, d o n i j e l a

O D L U K U

(1) Odbija se upis u izvod iz Centralnog biračkog spiska za glasanje izvan Bosne i Hercegovine podnosioca prijava, po podnesenim prijavama do 23. 7. 2024. godine, jer nisu ispunjeni uslovi propisani članom 3.15. stav (2), (3) Izbornog zakona Bosne i Hercegovine iz sljedećih razloga:

R/B	Razlog	Broj
1.	Nije dostavljen dokaz o identitetu	819
2.	Nije dostavljen dokaz o tačnoj adresi boravka u inostranstvu/ nije ispravan dokaz o tačnoj adresi boravka u inostranstvu	2.378
3.	Nije popunjen i potpisan obrazac	863
4.	Više nedostataka	1.223
	Ukupno	5.283

(2) Sastavni dio ove odluke je spisak odbijenih birača za upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2024.

(3) Ova odluka stupa na snagu danom donošenja i objavit će se 05.08.2024. godine na internet-stranici Centralne izborne komisije Bosne i Hercegovine www.izbori.ba, i smatrat će se da je danom objave ista dostavljena svim učesnicima u izbornom procesu.

O b r a z l o ž e n j e

Centralna izborna komisija Bosne i Hercegovine je u skladu s članom 3.15 stav (1) Izbornog zakona Bosne i Hercegovine odredila rok do 23. 7. 2024. godine u 24.00 sata za prijem prijave za upis birača u izvod iz Centralnog biračkog spiska za glasanje izvan Bosne i Hercegovine za Lokalne izbore 2024. godine.

Odredbom člana 3.15 stav (11) Izbornog zakona Bosne i Hercegovine je propisano da ako ispuni propisane uslove ovog člana, podnosilac prijave nalazit će se u izvodu iz Centralnog biračkog spiska za glasanje izvan Bosne i Hercegovine.

Shodno navedenim zakonskim odredbama, Centralna izborna komisija Bosne i Hercegovine je u postupku provjere dokaza priloženih uz prijave kojim se dokazuje ispunjavanje uslova iz člana 3.15 stav (2) i (3) Izbornog zakona Bosne i Hercegovine utvrdila sljedeće:

- dokaz o identitetu - nije priložen, ili nije priložen valjan dokument u smislu člana 3.15 stav (9) i člana 5.12 stav (5) Izbornog zakona Bosne i Hercegovine,
- dokaz o tačnoj adresi - nije priložen, ili nije priložen valjan dokument u skladu s članom 26. Pravilnika o upotrebi i izradi Izvoda iz Centralnog biračkog spiska ili
- Obrazac prijave nije dostavljen, nije potpisan ili se potpis razlikuje od potpisa na identifikacionom dokumentu.

Shodno odredbi člana 3.16 stav (2) Izbornog zakona Bosne i Hercegovine, ako državljanin BiH iz člana 3.15 stav (1) ovog Zakona ne podnese prijavu prije isteka roka utvrđenog za podnošenje prijave za glasanje izvan Bosne i Hercegovine na narednim izborima, dakle do 23. 7. 2024. godine, nalazit će se u izvodu iz Centralnog biračkog spiska za glasanje na odgovarajućem biračkom mjestu u osnovnoj izbornoj jedinici u kojoj ima prijavljeno prebivalište.

Na osnovu naprijed navedenog i činjenice da podnosioci prijave ne ispunjavaju uslove propisane članom 3.15 stav (1), (2) i (3) Izbornog zakona Bosne i Hercegovine, Centralna izborna komisija Bosne i Hercegovine je na osnovu člana 2.9 stav (1) tačka 4. i 19. Izbornog zakona Bosne i Hercegovine odlučila kao u dispozitivu ove odluke.

PRAVNA POUKA: Protiv ove odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ove odluke.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu info@izbori.ba ili lično u sjedište Centralne izborne komisije BiH, Ulica Danijela Ozme broj 7 Sarajevo.



Predsjednica

[Handwritten signature]
Dr. Irena Hadžiabdić